


Sche questa newsletter na vegn betg mussada correctamain, cliccai [qua](#).

[Deutsch](#) | [Italiano](#)

 Fachstelle Integration Graubünden
Post specialisà per l'integraziun dal Grischun
Servizio specializzato per l'integrazione dei Grigioni

www.hallo.gr.ch
www.integration.gr.ch



Allegra, Grüezi, Buongiorno

Las medias digitalas tutgan tar noss mintgadi ed er ils uffants vegnan gia baud en contact cun questas medias. L'utilisaziun da las medias porscha als uffants ed als giuvenils bleras schanzas d'emprender e da sa sviluppar. Mirveglia, fascinaziun e divertiment laschan mintgatant emblidar che l'utilisaziun cuntegna er ristgas. Tant pli impurtant èsi ch'ils uffants ed ils giuvenils vegnian accompagnads e sustegnids dals geniturs e da las personas d'assistenza en moda cumpetenta en tut las fasas da vegliadetgna. La plattform nazionala Giuventetgna e medias ha elavurà flyers cun recumandaziuns ch'èn disponibels en 16 linguas e che pon vegnir empustads gratuitamain.

Il sistem da sanadad svizzer sa basa sin il princip da l'avertadad e da la solidaritad. Independentamain da la lingua, da la derivanza, dal status social e dal nivel da furmaziun sto quest sistem esser accessibel per tuts. Resultats da perscrutaziuns e da studis mussan dentant che personas cun pouca furmaziun, cun ina posiziun professiunala pli bassa u cun poucas entradas han in'aspectativa da vita cleramain pli curta en Svizra e ch'ellas pateschan pli savens da restricziuns da la sanadad. Cun tge metodas e stentas ch'i po vegnir fatg frunt a quai, mussa il rapport da basa actual «Equalitad da las schanzas en la promoziun da la sanadad ed en la prevenziun en Svizra».

Tenor l'Uffizi federal da statistica UST avevan var 1,039 milliuns personas estras il zercladur 2019 in'activitad da gudogn en Svizra. La diversitad en nosa societad sco er en interpresas crescha d'in cuntin. Tant pli impurtant èsi che las personas immigradas vegnian integradas en il mund da lavur. Ina gruppa da lavur da la Svizra franzosa cun represchentantas e represchentants da las federaziuns professiunalas, dals sindicats e da las autoritads statalas ha sviluppa in mussavia cun bunas praticas realistics ch'èn accessiblas en moda simpla. Quellas pon vegnir applitgadas d'interpresas grondas, mesaunas e pitschnas.

éducation21 è il Center nazional da cumpetenza per la furmaziun per in svilup persistent FSP en scola. La finamira è quella da preparar ils uffants ed ils giuvenils per ina vita en independenza ed en atgna responsabladad en in mund che daventa adina pli complex. Quai cun agid da furmaziun en ils secturs ambient, emprender global, promoziun da la sanadad, politica, democrazia, dretgs umans ed economia. Per survegnir agid en lur incumbensas da furmaziun en ils secturs da la FSP e da la prevenziun dal rassissem han las scolas la pussaivladad da dumandar in sustegn finanziel per projects.

Nus As giavischain bels dis d'atun ed As salidain cordialmain

Patricia Ganter Sonderegger
Incumbensada chantunala d'integraziun

Recumandaziuns per ir enturn cun medias digitalas, en 16 linguas



Dastga mia figlia da 3 onns empruvar in'app da gieus sin mes smartphone? Co pussibilitesch jau a mes figl dad 11 onns da far experientschas en l'internet en in rom protegi? Tge guida ils giuvenils ad ir enturn en moda segira cun las medias digitalas? Respostas a questas dumondas èn da chattar sin ils flyers che la plattafurma naziunala Giuventetgna e medias ha redigi en collavuraziun cun il team da psicologas e psicologs da medias da la Scola auta turitgaisa per ciencias applitgadas ZHAW.

[Ils flyers pon vegnir empustads gratuitamain u chargiads giu qua \(DE\)](#)

...

Rapport da basa «Egualitad da las schanzas en la promoziun da la sanadad ed en la prevenziun»



Savevas Vus che umans en quartiers cun poucas entradas en citads vivan main ditg che umans en lieus bainstants da las citads? U che la ristga da survegnir cancer dal pulmun è sis giadas pli gronda tar persunas cun entradas bassas? Inegualitads socialas han consequenzas per las schanzas da sanadad. En quest rapport – che vegn edi cuminaivlamain da l'Uffizi federal da sanadad publica, da la fundaziun Promoziun Sanadad Svizra sco er da la Conferenza svizra da las directuras e dals directurs chantunals da sanadad – vegn il focus mess tranter auter sin la dumonda, co che las purschidas dals fatgs da sanadad èn accessiblas e pajablas er per persunas cun pouca furmaziun, per glieud da lingua estra u per umans ch'èn pertutgads da povradad e d'exclusiun.

[Il rapport da basa sco er ina versiun curta pon vegnir consultads qua \(DE\) ...](#)

Se questa newsletter non viene visualizzata correttamente cliccare [qui](#).

Rumantsch | Deutsch

Nov mussavia per l'integraziun da collavuraturas e collavuratur esters



Dapi il schaner 2019 cuntegna la nova Lescha federala davart las persunas estras e l'integraziun criteris pli severs per survegnir e per renovar la permissiun da dimora. E cun la Lescha federala davart il perfecziunament sco er cun l'Agenda d'integraziun svizra vegnan er mess novs accents en la politica d'integraziun. Questas reformas pretendan novs puncts da vista e novas propostas da soluziun. En il mussavia vegnan proponidas modas da proceder pragmaticas che vegnan giuditgadas da differents acturs dal martgà da lavur sco empermettentas.

[Il mussavia po vegnir chargià giu qua sco PDF \(DE\) ...](#)

éducation21: Agids finansials per projects da scola en ils secturs da la furmaziun per in svilup persistent e da la prevenziun dal rassissem



La furmaziun per in svilup persistent vegn realisada cun success en bleras scolas e classas, per exempel cun projects sco endrizzar in iert da scola, s'occupar dals temas patria e fugia en il rom d'ina emna da scuntrada cun fugitivas e fugitivs ubain cuser chaussas novas or da vestgadira duvrada. Scolas e scolaras, persunas d'instrucziun, direcziuns da scola e.u.v. che han ina buna idea per in project han il dretg da dumandar sustegns finanzials e cussegliaziuns.

[Ulteriuras infurmaziuns chattais Vus qua \(DE\) ...](#)

Uffizi da migraziun e da dretg civil
Post specialisà per l'integraziun dal
Grischun
Engadinstrasse 24
7001 Cuira

Tel. 081 257 26 38
info@integration.gr.ch

[> Abunar la newsletter](#)

[> Revocar la newsletter](#)

